

Na osnovu člana 37. stav (1) tačka f) Ustava Zeničko-dobojskog kantona i člana 144. stav (2) Zakona o zaštiti prirode Federacije Bosne i Hercegovine ("Službene novine Federacije BiH", broj 66/13), Skupština Zeničko-dobojskog kantona, na sjednici održanoj dana xx.xx.2021. godine, donijela je:

ZAKON

O PROGLAŠENJU ZAŠTIĆENOG PODRUČJA PLANINE ZVIJEZDA SA ODRŽIVIM KORIŠTENJEM PRIRODNIH RESURSA

I. OPĆE ODREDBE

Član 1. (Predmet)

Ovim zakonom proglašava se Zaštićeno područje planine Zvijezda sa održivim korištenjem prirodnih resursa (u daljem tekstu „Zaštićeno područje“), utvrđuje kategorija Zaštićenog područja, precizan opis granica prostornog obuhvata Zaštićenog područja, zone Zaštićenog područja, naziv mjerila kartografskog prikaza i kartografski prikaz sa precizno opisanim granicama prostornog obuhvata.

Član 2. (Kategorija zaštićenog područja)

Zaštićeno područje spada u kategoriju VI: Zaštićeno područje sa održivim korištenjem prirodnih resursa.

Član 3. (Ciljevi)

(1) Zaštićeno područje planine Zvijezda sa održivim korištenjem prirodnih resursa je namijenjeno za očuvanje ekosistema i staništa zajedno sa pridruženim kulturnim vrijednostima i sistemom tradicionalnog upravljanja prirodnim resursima. Održiva upotrebe prirodnih resursa neindustrijskog tipa je jedan od glavnih ciljeva upravljanja.

(2) Primarni cilj uspostave ovog Zaštićenog područja je zaštita prirodnih ekosistema i održiva upotreba prirodnih resursa uz obostranu korist.

(3) Ostali ciljevi zaštite područja su:

- a) promocija održive upotrebe prirodnih resursa, koja podrazumijeva ekološku, ekonomsku i socijalnu dimenziju,
- b) promocija socijalne i ekonomske dobiti za lokalnu zajednicu, gdje je to relevantno,
- c) uspostava dugoročne sigurnosti za život lokalne zajednice kroz održivu upotrebu biodiverziteta,
- d) integrisanje različitih kulturnih pristupa, vjerskih sistema i svjetonazora unutar socio-ekonomskog pristupa očuvanju prirode,
- e) doprinos razvoju i održanju uravnoteženih relacija između ljudi i prirode,

- f) doprinos održivom razvoju na nacionalnom, regionalnom i lokalnom nivou (posebno za lokalnu zajednicu koja zavisi od korištenja resursa),
- g) podrška naučnim istraživanjima i monitoringu okoliša,
- h) napredak u prepoznavanju koristi od zaštićenih područja, prije svega za lokalne zajednice, koje žive u blizini, unapređenje rekreacijskih i lokalnih turističkih aktivnosti.

II. GRANICE OBUHVATA

Član 4.

(Granice zaštićenog područja)

(1) Ukupna površina obuhvata Zaštićenog područja iznosi 6.290,00 ha.

(2) Vanjske granice obuhvata Zaštićenog područja su sljedeće: granica vanjskog obuhvata ZP Zvijezda polazi od tačke 1 koja predstavlja najsjeverniju tačku na području Zvijezde, a koja se nalazi na međi parcela k.č. 987 K.O. Vijaka i k.č. 1290/1 K.O. Vijaka na koordinati X: 18,4185; Y: 44,2183 u blizini naselja Donja Vijaka. Od ove tačke, granica se pruža istočno prateći gornju granicu k.č. 987 K.O. Vijaka do tačke X: 18,4203; Y: 44,21812 gdje presijeca lokalnu cestu k.č. 1263/1 te istom nastavlja prema istoku putem lokalne ceste na k.č. 1248, k.č. 1247 i k.č. 1246 u K.O. Vijaka, sve do koordinate X: 18,4365; Y: 44,21555 koja se nalazi na k.č. 1245 K.O. Vijaka. Odavdje se granica povija prema jugoistoku prema naselju Gornja Vijaka te prolazi kroz lokalnu cestu k.č. 357 K.O. Vijaka i k.č. 958 K.O. Radoševići u naselju Gornja Vijaka gdje dalje presijeca k.č. 1, k.č. 362 i k.č. 1268 K.O. Radoševići i sve dalje južno prateći tok rijeke Kruškovica oko istočnih padina kote V. Borovac 863. Granica se spušta do naselja Krčevine i tačke X: 18,4469; Y: 44,19405 koja se nalazi na k.č. 623 K.O., gdje presijeca k.č. 625, k.č. 626/1, k.č. 949 K.O. Radoševići, odakle ponovo prelazi na lokalnu cestu i k.č. 969 te k.č. 1081. Granica dalje mijenja pravac te prati lokalnu cestu iznad lokaliteta Kruškovica i Orlovac sve do tačke X: 18,4617; Y: 44,18291 te prelazi u K.O. Očevija a koja se nalazi na k.č. 964 i dalje se pruža k.č. 969 K.O. Očevija u istočnom pravcu do kote 1037 i kote Paljeg 1132 na k.č. 970 K.O. Očevija. Granica se dalje povija južno preko kote Stožac 1072 prateći granicu k.č. 917 sve do k.č. 899, lokalne ceste kojom prolazi kroz naselje G. Očevija sve do tačke X: 18,4744; Y: 44,17025 i k.č. 51/1, te k.č. 201/1 K.O. Očevija. Granica se dalje pruža prema naselju D. Očevija prolazeći lokalnom cestom kroz k.č. 901, k.č. 579, k.č. 518, k.č. 523, k.č. 524, k.č. 525 te k.č. 922 kod lokaliteta Begova ravan odakle se dalje spušta prema lokalnoj cesti i k.č. 966 i k.č. 957/1 u K.O. Očevija. Granica se dalje pruža prema lokalitetu Osinjača kroz k.č. 948 i k.č. 957/1 te prolazi preko lokaliteta Ivanov stol 1124 i Pogladin 1245 do k.č. 1798 u K.O. Ravne odakle prati rijeku Gnjonicu do k.č. 1796/1, te se dalje granica pruža u zapadnom smjeru. Potom granica prolazi preko kote Guvna 958, kote 1136 do lokalne ceste i prati k.č. 1793 i k.č. 1778 sve do granice sa K.O. Strica odakle presijeca k.č. 1371/1 i k.č. 1014/1 K.O. Strica te ide do lokalne ceste na k.č. 1022. Granica se dalje u zapadnom smjeru prostire podno lokaliteta Tremošnjak 1298. te prelazi preko kota Vučiji kmn, Grad 1345 i Srednja pl. 1342 prateći lokalnu cestu i presijeca k.č. 927, k.č. 740/1, k.č. 926, k.č. 740/2, k.č. 1013/1 i k.č. 529 kod lokaliteta planine Zvijezda, te dalje prolazi granicama k.č. 528/1, k.č. 527, k.č. 539, k.č. 522, k.č. 779/1, k.č. 780 te k.č. 928 u K.O. Strica koja predstavlja najzapadniju tačku u ZP Zvijezda X: 18,3425; Y: 44,1795. Granica se potom podiže prema sjeveru prateći rijeku Stavnju do tačke X: 18,3469; Y: 44,18486 kada prelazi preko ceste i presijeca k.č. 323, k.č. 107/4, k.č. 729/7, k.č. 640 te se pruža dalje zapadnom granicom k.č. 323 do tromeđe k.č. 642/3, k.č. 323 i k.č. 320/3 u K.O. Strica. Granica dalje se pruža između k.č. 320/1, k.č. 645, k.č. 639/1, k.č. 320/1, k.č. 311/3, k.č. 311/1, k.č. 283, te k.č. 281/1 oko koje se povija i istočno se pruža prema k.č. 282/1, k.č. 286/2 i k.č. 277 kod naselja Strica. Granica dalje presijeca k.č. 289/1, k.č. 291, k.č. 290/1, k.l. 919, k.č. 290/3 nakon čega se spušta prema jugu do lokalne

ceste na k.č. 922 K.O. Strica, odakle se dalje povija u sjevero-istočnom pravcu do k.č. 921/1. Granica dalje prolazi sjeverno od lokaliteta Klobun 1212 i lokaliteta Zarude lokalnom cestom sve do kote 1088. na k.č. 146 te dalje pravolinijski prolazi od tačke X: 18,3655; Y: 44,19946 do tačke X: 18,4107; Y: 44,21555 prelazeći sjeverno od Debelog brda, kote 876, Lauševca 910 do rijeke Tribija. Od ove tačke, granica se preko sjeverne granice k.č. 1290/1 u K.O. Vijaka vraća do početne tačke na koordinati X: 18,4185; Y: 44,2183.

Član 5. (Zone zaštite)

- (1) unutar granica Zaštićenog područja utvrđuju se četiri osnovna tipa zaštićenih zona:
 - a) prva zaštićena zona (Zona stroge zaštite, zona A),
 - b) druga zaštićena zona (Zona aktivne zaštite, zona B),
 - c) treća zaštićena zona (Zona korištenja, zona C),
 - d) četvrta zaštićena zona (Prijelazna zona, zona D).
- (2) Prostorni razmještaj svih zona sa pripadajućim pod-zonama utvrđuje se u kartografskom prikazu Zaštićenog područja i sastavi je dio ovog Zakona (Prilog I).
- (3) Koordinate svih zona sa pripadajućim pod-zonama utvrđuju se u Prilogu II.

Član 6. (Obuhvat prve zaštićene zone)

- (1) Prva zaštićena zona (Zona stroge zaštite, zona A) sa površinom koja iznosi 1.116,60 ha, predstavlja područje iznimnih i jedinstvenih vrijednosti, tj. važne ekosistemske usluge vodosnabdijevanja, važna staništa i vrste flore i faune. Ovo su područja na kojima prevladavaju prirodni procesi te se ne smije dopustiti narušavanje ovih zona.
- (2) Prva zaštićena zona obuhvata zone sanitarne zaštite gradskog izvorišta "Očevija", koje su prethodno utvrđene u skladu sa članom 7. *Pravilnika o uslovima za određivanje zona sanitarne zaštite I zaštitnih mjera za izvorišta voda koje se koriste ili planiraju da se koriste za piće ("Službene novine Federacije BiH", br. 88/12)*. U skladu sa Pravilnikom uspostavljene su četiri zone zaštite izvorišta "Očevija", od kojih u obuhvat prve zaštićene zone ulaze:
 - a) I zona zaštite, tj. u koju ulazi izvorište Očevija, ponori Studenac 1, Studenac 2, Studenac 3 i Rajčevac. Ukupna površina prve vodozaštitne zone iznosi
 - b) II zona zaštite, tj. zona sa strogim zabranama i ograničenjima u prostoru, obuhvata prostor od vanjske granice I zone zaštite, do linije od koje je u podzemnoj vodi potrebno najmanje 1 dan do ulaska u vodozahvatni objekat.
- (3) Vanjske granice zone A su sljedeće: granica zone stroge zaštite ZP Zvijezda polazi od tačke 1 koja predstavlja najsjeverniju tačku ove zone, a nalazi se neposredno pored lokaliteta Male Biljevnice 1139 te obuhvata k.č. 907 u K.O. Očevija na koordinati X: 18,44733; Y: 44,17276, odakle se dalje povija prema istoku prema naselju G. Očevija do k.č. 906/5 koja se nalazi na koordinati X: 18,46088; Y: 44,16683. Granica zone stroge zaštite ZP Zvijezda dalje paralelno presijeca sljedeće katastarske čestice: k.č. 964, k.č. 963, k.č. 394, k.č. 395/2, k.č. 396, k.č. 398, k.č. 404, k.č. 407, k.č. 410, k.č. 411, k.č. 412, k.č. 413, k.č.

414, k.č. 433, k.č. 435, k.č. 436, k.č. 450, k.č. 449, k.č. 451, k.č. 452, k.č. 453, k.č. 454, k.č. 900, k.č. 456, k.č. 455, k.č. 932, k.č. 931/2, k.č. 961,1, k.č. 962, k.č. 957/1, k.č. 966, k.č. 922, k.č., zaključno sa k.č. 957/1 u K.O. Očevijana koordinati: X: 18,47441; Y: 44,15475 kod kote 955. Potom se granica spušta južno prema koti 1310, do tačke X: 18,46982; Y: 44,14031 koja se nalazi na k.č. 1766/1 u K.O. Ravne. Zatim se granica povija sjevero-zapadno do kote Jelovo br 1343 gdje presijeca k.č. 1768, k.č. 1769, k.č. 1766/1, k.č. 1775, k.č. 1776 te se vraća na k.č. 1766/1, odakle se dalje pruža u pravcu zapada do k.č. 1020/1 u K.O. Strica, odakle dalje presijeca k.č. 1014/1 te k.č. 1371/1 kod kote Srednja pl. 1342. Granica se dalje prostire u pravcu sjevera do tačke X: 18,42274; Y: 44,16894 koja se nalazi na k.č. 1021. Granica se dalje povija prema sjevero-istoku prelazeći preko k.č. 1018, k.č. 1020/1, k.č. 1019, k.č. 911, k.č. 915, k.č. 916/2, k.č. 916/1, k.č. 965 te k.č. 907 sve do kote Male Biljevnice koja predstavlja početnu tačku zone stroge zaštite ZP Zvijezda.

Član 7. (Obuhvat druge zaštićene zone)

- (1) Druga zaštićena zona (Zona aktivne zaštite, zona B) sa površinom od 335,56 ha utvrđuje se sa ciljem očuvanja kulturno-historijskih i prirodnih vrijednosti gdje su predviđene aktivnosti upravljanja ovim područjem, s ciljem očuvanja, rehabilitacije ili revitalizacije područja.
- (2) Druga zaštićena zona B obuhvata šire područje brda Vidak 1.129 m n.v., Božilišta 1.138 m n.v. i Gavrino Brdo 1.100 m n.v., kao i pripadajuću zonu doline Šiminog potoka i na kojemu egzistiraju stećci Vidak i Studenac te tresetno područje.
- (3) Obuhvat zone aktivne zaštite pripada sljedećim prostornim cjelinama: K.O. Strica i K.O. Vijaka.
- (4) Prostorni razmještaj druge zaštićene zone B utvrđuje se u Prilogu II ovog Zakona.

Član 8. (Obuhvat treće zaštićene zone)

- (1) Treća zaštićena zona (Zona korištenja, Zona C), ukupne površine 1.356,17 ha utvrđuje se sa ciljem očuvanja kulturno-historijskih i tradicijskih vrijednosti, kulture i običaja s ciljem očuvanja područja te održivog razvoja.
- (2) Treća zaštićena zona C obuhvata naselja Strica, Zaruđe, Ivančevo, dio Tribije i Gornje Vijake, kao i Gornju Očeviju, uključujući kulturno-istorijske lokalitete nacionalnog spomenika Historijsko područje – Kovačnice (majdani) u selu Očevija.
- (3) Obuhvat zone korištenja pripada sljedećim prostornim cjelinama: K.O. Strica, K.O. Vijaka i K.O. Očevija.
- (4) Ova zona sadrži tri pod-zone: pod-zona C1 površine 418,19 ha, pod-zona C2 površine 618,00 ha i: pod-zona C3 površine 319,98 ha.
- (5) Granice zona korištenja C1, C2 i C3 Zaštićenog područja utvrđuju se u Prilogu II ovog Zakona.

Član 9.
(Obuhvat četvrte zaštićene zone)

- (1) Četvrta zaštićena zona (Prijelazna zona, Zona D) sa površinom od 3.481,67 ha utvrđuje se sa ciljem očuvanja cjelovitosti područja i povezivanja područja sa ostalim zonama, održivi razvoj te sadržaje koji podupiru posjećivanje područja, sportske i rekreacijske aktivnosti. Četvrta zaštićena zona predstavlja kompromis između ciljeva očuvanja zaštićenog područja i načela održivog korištenja u svim granama privrede, na način da se ne ugroze primarni ciljevi očuvanja zaštićenog područja.
- (2) Prijelazna zona predstavlja teritorijalno najveću zonu u obuhvatu zaštićenog područja, a pripada sljedećim prostornim cjelinama: K.O. Strica, K.O. Vijaka, K.O. Radoševići, K.O. Očevija i K.O. Ravne.
- (3) Prostorni razmještaj treće zaštićene zone D utvrđuje se u Prilogu II ovog Zakona.

III. OSNOVNE VRIJEDNOSTI ZAŠTIĆENOG PODRUČJA

Član 10.
(Osnovne vrijednosti prve zaštićene zone)

Osnovne vrijednosti prve zaštićene A zone čine:

- a) II, II i III vodozaštitna zona gradskog vodocrpilišta Očevija,
- b) Gradsko vodocrpilište (vrela Očevija),
- c) Hidrotermalni izvor Očevija,
- d) Stabilni šumski ekosistemi - mješovite šume bukve i jele sa smrčom,
- e) Teritorije borealnih sova:
 - 1) *Glaucidium passerinum* (mali ćuk), sa statusom ugroženosti EN prema Crvenoj listi FBiH,
 - 2) *Aegolius funereus* (gaćasta kukumavka) sa statusom ugroženosti EN prema Crvenoj listi FBiH,
 - 3) *Strix uralensis* (sova jastrebača) sa statusom ugroženosti VU prema Crvenoj listi FBiH.
- f) Geomorfološki fenomeni - brojne vrtače na lokalitetima Vrantolovom brdu i Samarić,
- g) Potok Suvodo.

Član 11.
(Osnovne vrijednosti druge zaštićene zone)

Osnovne vrijednosti druge zaštićene B zone čine:

- a) nekadašnji spomenik prirode Tresetno područje na planini Zvijezda na lokalitetu Šimin potok, Krčevačka bara, Karina bara, Gavrino brdo, Božilišta i Đilda,
- b) Staništa:
 - 1) (*) Aktivni uzdignuti treseti (Natura 2000 kod: *7110),
 - 2) Prelazni treseti (Natura 2000 kod: 7140).
- c) Ugrožene biljne vrste tresetišta:
 - 1) *Caltha palustris* (močvarna kaljužnica, žabnjak) sa statusom ugroženosti CR prema Crvenoj listi FBiH,

- 2) *Menyanthes trifoliata* (močvarna trolistica, crepulica) – sa statusom ugroženosti VU prema Crvenoj listi FBiH,
- 3) *Potentilla palustris* (močvarna petoprsta) - sa statusom ugroženosti VU prema Crvenoj listi FBiH.
- d) Teritorije borealne sove *Glaucidium passerinum* (mali ćuk), sa statusom ugroženosti EN prema Crvenoj listi FBiH
- e) Vodotoci: Šimin potok, Studenac, Ponikva, Selišta,
- f) Stabilni šumski ekosistemi - mještovite šume bukve i jele sa smrčom,
- g) Lokalitet stećaka Studenac,
- h) Lokalitet stećaka Vidak,
- i) Izletište Šimin potok.

Član 12. **(Osnovne vrijednosti treće zaštićene zone)**

(1) Osnovne vrijednosti treće zaštićene C1 zone čine:

- a) Vodotoci: Zarudski potok, Selakov potok, Strički potok,
- b) Stanište *Vareshiana singularis* (Klapalek, 1902) - sa statusom ugroženosti CR prema Crvenoj listi FBiH,
- c) Stabilni šumski ekosistemi - mještovite šume bukve i jele sa smrčom,
- d) Izletište Wigwam na Zaruđu,
- e) Skijalište „Lijepa Voda“ u naselju Zaruđe.

(2) Zona C1 obuhvata i izgrađena naseljena mjesta: Strica, Zaruđe i Javornik.

(3) Osnovne vrijednosti treće zaštićene C2 zone čine:

- a) Vodotoci: Selišta i Vijačica,
- b) Tri stoljetna stabla lipe *Tilia grandifolia* L. u selu Ivančevo,
- c) Stabilni šumski ekosistemi - mještovite šume bukve i jele sa smrčom.

(4) Zona C2 obuhvata i izgrađena naseljena mjesta: Ivančevo i Gornja Vijaka.

(5) Osnovne vrijednosti treće zaštićene C3 zone čine:

- a) Vodotoci: Očevija, Duboki potok, Riblji potok,
- b) Vodopad Očevija.

(6) Zona C3 obuhvata i naseljeno mjesto Gornja Očevija.

Član 13. **(Osnovne vrijednosti četvrte zaštićene zone)**

(1) Osnovne vrijednosti četvrte zaštićene D zone čine:

- a) nekadašnji spomenik prirode Pećina Ponikva: arheološko nalazište i vrijedan speleološki ekosistem sa aspekta biološke raznolikosti šišmiša, od kojih su sljedeće ugrožene:

- 1) *Myotis myotis* (veliki šišmiš), sa statusom ugroženosti EN prema Crvenoj listi FBiH,
 - 2) *Myotis blythii* (oštrouhi šišmiš), sa statusom ugroženosti EN prema Crvenoj listi FBiH,
 - 3) *Rhinolophus hipposideros* (mali potkovasti šišmiš), sa statusom ugroženosti EN prema Crvenoj listi FBiH,
 - 4) *Rhinolophus ferrumequinum* (veliki potkovasti šišmiš), sa statusom ugroženosti VU prema Crvenoj listi FBiH, kao i druge vrste Chiroptera,
 - 5) *Barbastella barbastellus* (širokouhi šišmiš), *Eptesicus serotinus* (veliki kasni šišmiš), *Myotis oxygnathus* (mali mišouhi šišmiš), *Plecotus macrobularis* (gorski dugoušan).
- b) Teritorije borealnih sova:
- 1) *Glaucidium passerinum* (mali ćuk), sa statusom ugroženosti EN prema Crvenoj listi FBiH,
 - 2) *Aegolius funereus* (gačasta kukumavka) sa statusom ugroženosti EN prema Crvenoj listi FBiH,
 - 3) *Strix uralensis* (sova jastrebača) sa statusom ugroženosti VU prema Crvenoj listi FBiH.
- c) Acidofilne šume smrčje brdskog do planinskog pojasa (*Vaccinio-Piceetea*) (Natura 2000 kod: 9410)
- d) Geomorfološki fenomeni - brojne vrtače na široj lokaciji Vučiji kamen i Tremošnjak
- e) Geološki fenomen - kamena kugla u naselju Ponikva
- f) Vodotoci: Ponikva, Očevija, Javornički potok, Duboki potok, Selišta, Kruškovića
- g) Stabilni šumski ekosistemi - mješovite šume bukve i jele sa smrčom
- h) nacionalni spomenik Historijsko područje – Kovačnice (majdani) u selu Očevija koji se nalaze na k.č. 19, k.č. 28 i k.č. 73 u K.O. Očevija, općina Vareš. U okviru granica zaštićenog područja smještene su dvije kovačnice (Kovačije Jozeljčić i Gogić), dok se treća kovačnica Vijačkić nalazi neposredno izvan obuhvata
- i) Izletišta Dolovi
- j) Izletišta Ponikva.

(2) Zona D obuhvata i izgrađena naseljena mjesta: Ponikva, Osoje, Gornja Vijaka.

Član 14. **(Ostale vrijednosti prostora)**

Ostale vrijednosti prostora neovisno o zonama zaštite su sljedeće vrste ugroženih vrsta, čije se postojanje ne može pridružiti isključivo određenoj zoni zbog, primjerice, ponašanja vrste. S tim ciljem sumirane su sljedeće kritično ugrožene (CR), ugrožene (EN), ranjive (VU) ili skoro ugrožene vrste (NT):

- a) Biljke:
- 1) *Cicerbita pancicii* (Vis.) Beauv. – Pančićeva mliječ, sa statusom ugroženosti VU prema Crvenoj listi FBiH,
 - 2) *Daphne blagayana* (Freyer) – borika, sa statusom ugroženosti VU prema Crvenoj listi FBiH,
 - 3) *Calamintha alpina* - verema, konjički vričak, sa statusom ugroženosti NT prema Crvenoj listi FBiH,
 - 4) *Galanthus nivalis* - visibaba, sa statusom ugroženosti NT prema Crvenoj listi FBiH,
- b) Gljive:
- 1) *Hygrophorus marzuolus* -martovka , sa statusom ugroženosti EN prema Crvenoj listi FBiH.

c) Beskičmenjaci:

- 1) *Chaetopteryx bosniaca*, sa statusom ugroženosti CR prema Crvenoj listi FBiH,
- 2) *Chaetopteryx gonospina*, sa statusom ugroženosti CR prema Crvenoj listi FBiH,
- 3) *Potamophylax winneguthi*, sa statusom ugroženosti CR prema Crvenoj listi FBiH,
- 4) *Psylopteryx bosniaca*, sa statusom ugroženosti CR prema Crvenoj listi FBiH,
- 5) *Osmoderma eremita* – buba oklopnik, sa statusom ugroženosti EN prema Crvenoj listi FBiH,
- 6) *Rhyacophila bosniaca*, sa statusom ugroženosti VU prema Crvenoj listi FBiH,
- 7) *Rhyacophila vranizzensis*, sa statusom ugroženosti VU prema Crvenoj listi FBiH.

d) Vodozemci:

- 1) *Bombina variegata* – žuti mukač, sa statusom ugroženosti NT prema Crvenoj listi FBiH,
- 2) *Rana graeca* – grčka žaba, sa statusom ugroženosti NT prema Crvenoj listi FBiH.

e) Ptice:

- 1) *Turdus pilaris* – drozd bravenjak, sa statusom ugroženosti CR prema Crvenoj listi FBiH,
- 2) *Ardea cinerea* – siva čaplja, sa statusom ugroženosti VU prema Crvenoj listi FBiH,
- 3) *Bubo bubo* – sova ušara, sa statusom ugroženosti VU prema Crvenoj listi FBiH,
- 4) *Crex crex* – kosac, sa statusom ugroženosti VU prema Crvenoj listi FBiH,
- 5) *Dendrocopos leucotos* – planinski djetlić, sa statusom ugroženosti VU prema Crvenoj listi FBiH,
- 6) *Picoides trydactylus* – troprsti djetlić, sa statusom ugroženosti VU prema Crvenoj listi FBiH,
- 7) *Certhia familiaris* – kratkokljuni puzavac, sa statusom ugroženosti NT prema Crvenoj listi FBiH,
- 8) *Certhia brachydactyla* – dugokljuni puzavac, sa statusom ugroženosti NT prema Crvenoj listi FBiH,
- 9) *Dryocopus martius* – crna žuna, sa statusom ugroženosti NT prema Crvenoj listi FBiH,
- 10) *Merops apiaster* – pčelarica, sa statusom ugroženosti NT prema Crvenoj listi FBiH,
- 11) *Phylloscopus sibilatrix* – šumski zviždak, sa statusom ugroženosti NT prema Crvenoj listi FBiH,
- 12) *Prunella collaris* – alpski popić, sa statusom ugroženosti NT prema Crvenoj listi FBiH.

f) Sisari:

- 1) *Canis lupus* – vuk, sa statusom ugroženosti EN prema Crvenoj listi FBiH,
- 2) *Ursus arctos* – medvjed, sa statusom ugroženosti VU prema Crvenoj listi FBiH.

Član 15.

(Zaštićene kulturno-historijske vrijednosti)

(1) Unutar obuhvata četvrte zaštićene zone D Zaštićenog područja nalazi se jedan nacionalni spomenik, koji je zaštićen Odlukom Komisije za očuvanje nacionalnih spomenika Bosne i Hercegovine: Historijsko područje – Kovačnice (majdani) u selu Očevija, općina Vareš ("Službeni glasnik BiH", broj 85/11).

(2) Navedena zona D sa pripadajućom površinom definirana je članom 9, stav 1 ovog Zakona.

(3) Nacionalni spomenik čine tri aktivne kovačnice porodica Jozeljčić, Gogić i Vijačkić. Nacionalni spomenik se nalazi na prostoru koji obuhvata k.č. 19, posjedovni list broj 100, k.č. 28, posjedovni list broj 49 i k.č. 73, posjedovni list broj 16, k.o. Očevlja, općina Vareš, Federacija Bosne i Hercegovine, Bosna i Hercegovina. U okviru granica zaštićenog područja smještene su dvije kovačnice (Kovačije Jozeljčić i Gogić), dok se kovačnica Vijačkić nalazi neposredno izvan obuhvata.

(5) Zaštita nacionalnih spomenika u propisanim granicama se vrši u skladu sa odlukama iz stava (1) ovog člana.

Član 16.
(Kartografski prikaz)

(1) Kartografski prikaz sa jasno ucrtanom granicom obuhvata te prostornim razmještajem svih zona i pod-zona Zaštićenog područja daje se u Prilogu I ovog Zakona i čini njegov sastavni dio.

(2) Kartografski prikaz pripremljen je u razmjeri 1:25 000.

(3) Štampani primjerak kartografskog prikaza je u A1 formatu.

IV. ZAVRŠNE ODREDBE

Član 17.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.